

Në bazë të ligjit 18 paragrafi (1) nënparagrafi 20 dhe neni 23 paragrafi (1) nënparagrafi 1 të Ligjit për Shërbime Mediatike Audio dhe Audiovizuele ("Gazeta Zyrtare e Republikës së Maqedonisë" nr.13/14, 44/14, 101/14, 132/14, 142/16, 132/17,168/18, 248/18 dhe 27/19 dhe "Gazeta Zyrtare e Republikës së Maqedonisë së Veriut" nr. 42/20, 77/21, 154/23, 55/24 dhe 193/24), dhe në lidhje me nenin 14 dhe nenin 29 paragrafin (2) të Ligjit për Media ("Gazeta Zyrtare e Republikës së Maqedonisë" nr.184/13, 13/14, 63/24, 74/24 dhe 218/24), Udhëzimin për përmbushjen e detyrimeve për impresium dhe informacionin në dispozicion të përdoruesve, ark. nr. 01-4443/1 datë 09.10.2018, pikat 7 dhe 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës (Tekst i pastruar) ark.nr.01-4139/1, datë 07.11.2022, Raporti me shkrim për mbikëqyrje të kryer administrative ark.nr.10-1349/1 datë 27.03.2025 dhe Konkluzionin nr. 02-1670/11 datë 10.04.2025, Këshilli i Agjencisë për Shërbime Mediatike Audio dhe Audiovizuele, në seancën e 16-të mbajtur më 10.04.2025, miratoi si vijon:

Aktvendim për ndërmarrjen e masës – paralajmërim publik

1. PUBLIKISHT PARALAJMËROHET Shoqëria Tregtare Radiodifuzive (SHTR) TV SHENJA SHPKNJP Shkup, për shkak të shkeljes së nenit 14 të Ligjit për Media (LM), në atë mënyrë që transmetuesi, në kuadër të shërbimit programor televiziv të transmetuar më 4 mars 2025 , nuk publikoi të dhënat për impresium të programit dokumentar "Al Jazeera Hulumton (Al Jazeera - investigations)".

Shkelja nga paragrafi (1) i kësaj pike është specifikuar në Raportin me shkrim për mbikëqyrje të kryer administrative, ark.nr.10-1349/1 datë 27.03.2025, që është pjesë përbërëse e këtij aktvendimi si Shtojcë nr.1.

2. URDHËROHET që SHTR TV SHENJA SHPKNJP Shkup, që në afat prej 20 (njëzet) ditësh nga dita e pranimi të këtij Aktvendimi ta harmonizojë punën e saj me dispozitat e LM.

3. Pas skadimit të afatit përcaktuar në pikën 2 të këtij aktvendimi, të kryhet mbikëqyrje kontrolli për të përcaktuar nëse subjekti i mbikëqyrjes, i cekur në pikën 1 të këtij Aktvendimi, ka vepruar sipas aktvendimit.

4. Ky Aktvendim është përfundimtar dhe datë e miratimit të tij llogaritet dita e çertifikimit në Arkivin e Agjencisë për Shërbime Mediatike Audio dhe Audiovizuele (Agjencia).

A r s y e t i m

Agjencia në bazë të nenit 29 të Ligjit për Shërbime Mediatike Audio dhe Audiovizuele (LSHMAAV) dhe neni 29 të Ligjit për Media (LM), është kompetente për të kryer mbikëqyrje administrative të veprimtarisë së botuesve të mediave nga aspekti i pajtueshmërisë së veprimtarisë së tyre me detyrimet e përcaktuara në nenet 6, 8, 14 dhe 15 të LM.

Në përputhje me nenin 23, paragrafi (1), nënparagrafi 1 të LSHMAAV, Këshilli i Agjencisë kundër botuesit të medias (transmetuesit) ndërmerr masë - paralajmërim publik në rastet kur është kryer shkelje ose shkelje e dispozitave të LSHMAAV dhe akteve nënligjore të miratuara në bazë të Ligjit të njëjtë, si dhe kushteve dhe detyrimeve të përcaktuara me lejen dhe akte tjera të Agjencisë.

Në përputhje me nenin 29 paragrafi (2) të LM, masat që Agjencia, si organ rregullator kompetent, mund t'i ndërmarrë dhe që janë të përcaktuara në LSHMAAV, zbatohen përkatësisht edhe në rast të shkeljes së dispozitave të LM.

Sipas nenit 14 të LM, botuesi i medias është i detyruar në vend të dukshëm për çdo bartës individual të përmbajtjes (për shembull kopje e një mediumi të shtypur dhe emisioni televiziv) të sigurojë publikimin e të dhënave në vijim: emrin dhe adresën e selisë dhe redaksinë e botuesit të medias, emrin e personit përgjegjës të botuesit të medias, emrin dhe mbiemrin e redaktorit

përgjegjës, përkatësisht redaktorëve në përputhje me organizimin e brendshëm të redaksisë, emrin dhe adresën e shtypshkronjës dhe datën e shtypjes ose ribotimit, si dhe numrin e kopjeve të shtypura, kur bëhet fjalë për medium të shtypur. Për transmetuesit, detyrimi i mësipërm zbatohet në atë mënyrë që të dhënat të publikohen në fillim ose në fund të programeve audio/audiovizuale. Botuesi i medias është i detyruar në vend të përshtatshëm për çdo përmbajtje të publikojë të dhënat në vijim: emrin dhe mbiemrin e autorit të insertit të publikuar, emrin dhe mbiemrin e personit, gjegjësisht të shoqërisë që ka të drejtën e autorit për përmbajtjen e publikuar, përveç në mediat e shkruara dhe programet në radio, datën e produksionit (muajin dhe vitin) kur bëhet fjalë për vepra audio/audiovizuale, origjina e veprës audio/audiovizuale dhe nëse vepra është krijuar nga produksion i pavarur dhe informacion për të njëjtën, emrin e personit juridik, përkatësisht emri dhe mbiemri i personit që ruan pasurinë kulturore ose veprën arkivore të përdorur, përkatësisht reproduksionit përkatës dhe emrin e botuesit të medias nga i cili është marrë inserti programor ose fragmenti nga inserti programor, përveç nëse me marrëveshje të përbashkët nuk është parashihet ndryshe.

Sipas pikës 10 të Udhëzimit për përmbushjen e detyrimeve për impresium dhe informacionin në dispozicion të përdoruesve, ark.nr.01-4443/1 datë 09.10.2018, kur transmeton programe të prodhimit të huaj, televizioni duhet të transmetojë shpicën origjinale.

Në kuadër të kompetencave ligjore, Agjencia përmes Sektorit për çështje programore, më 27 mars 2025, ka kryer mbikëqyrje të rregullt administrative (monitorim) të shërbimit programor televiziv të SHTR TV SHENJA SHPKNJP Shkup, transmetuar më 4 mars 2025, dhe ka konstatuar shkelje të nenit 14 të LM. Nga mbikëqyrja është konstatuar se në kundërshtim me LM dhe Udhëzimin për përmbushjen e detyrimeve për impresium dhe informacion në dispozicion të përdoruesve, pa impresium është transmetuar programi dokumentar: " Al Jazeera hulumton (Al Jazeera Investigations)". Përkatësisht, në vend të përshtatshëm, për çdo përmbajtje të shërbimit programor, transmetuesi është i detyruar të transmetojë të dhënat që identifikojnë autorët që kanë marrë pjesë në përgatitjen e përmbajtjes: *emrin dhe mbiemrin e kryeredaktorit të shërbimit programor; emrin dhe mbiemrin e kryeredaktorit të redaksisë nga ku buron programi; emri dhe mbiemri i redaktorit/autorit/drejtuesit të emisionit; emri dhe mbiemri i bashkautorëve, pra i gjithë ekipit televiziv me pjesëmarrje në tërësinë e veprës audiovizuale; emri i subjektit që ka prodhuar programin; data e produksionit.* Shkelja nga pika 1 e këtij akt, është specifikuar sipas datës, titullit të emisionit, periudhës së transmetimit (fillimit dhe përfundimit) dhe përshkrimit në Raportin me shkrim për mbikëqyrje të kryer administrative, ark.nr.10-1349/1, datë 27.03.2025, që është pjesë përbërëse e këtij aktvendimi si Shtojcë nr.1.

Në pajtim me nenin 23 paragrafi (3) të LSHMAAV, Këshilli i Agjencisë drejtuar SHTR TV SHENJA SHPKNJP ka dërguar Shkresë nr ynë.ark.10-1349/2 datë 28.03.2025, me të cilin ka dorëzuar Raportin me shkrim për mbikëqyrje të kryer administrative, ark.nr.10-1349/1 datë 27.03.2025, që në afat prej 7 (shtatë) ditësh nga dita e pranimit të shkresës, drejtau Këshillit të Agjencisë të dorëzon deklaratë me shkrim për shkeljen e kryer të dispozitave të LM. Shkresa është pranuar në rregull nga transmetuesi më 01.04.2025. Këshilli i Agjencisë në seancën e 16-të mbajtur më 10.04.2025, shqyrtoi lëndën Raport me shkrim dhe konstatoi që SHTR TV SHENJA SHPKNJP Shkup t'i shqiptojë masë – vërejtje publike.

Rrjedhimisht, në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të LSHMAAV dhe në lidhje me nenin 14 dhe nenin 29 paragrafin (2) të LM, Udhëzimit për përmbushjen e detyrimeve për impresium dhe informacionet e disponueshme për përdoruesit, pika 7 dhe pika 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës (Tekst i pastrur), Raporti me shkrim për mbikëqyrje të kryer administrative ark.nr.10-1349/1 datë 27.03.2025 dhe Konkluzioni ark.nr.02-1670/11 datë 10.04. 2025, për konstatim të mosrespektimit të dispozitave të LM, përcaktuara në pikën 1 të këtij vendimi, Këshilli i Agjencisë në seancën e 16-të mbajtur më 10.04. 2025, miratoi aktvendim me të cilin publikisht paralajmëron SHTR TV SHENJA SHPKNJP Shkup, dhe urdhëron që në afat prej 20 (njëzet) ditësh nga dita e pranimit të këtij aktvendimi të harmonizojë veprimtarinë e tij me dispozitat e LM. Pas skadimit të afatit përcaktuar në pikën 2 të këtij aktvendimi, Agjencia të kryejë një mbikëqyrje kontrolli për të përcaktuar nëse subjekti i mbikëqyrur, i cekur në pikën 1 të këtij aktvendimi, ka vepruar sipas aktvendimit.

Në pajtim me nenin 24 të LSHMAAV, ky Aktvendim është përfundimtar dhe kundër këtij aktvendimi transmetuesi ka të drejtë padie për ngritje të kontestit administrativ para gjykatës

kompetente. Padia për ngritjen e kontestit administrativ paraqitet në afat prej 30 ditësh nga dita dita e pranimi të aktvendimit.

Bazuar nga sa më sipër u mor aktvendim si në dispozitiv.

Shtojcë (1):

1) Raport me shkrim për mbikëqyrje të kryer administrative, ark.nr.10-1349/1 datë 27.03.2025

**Agjencia për Shërbime Mediatike
Audio dhe Audiovizuale
Kryetari i Këshillit,
Lazo PETRUSHEVSKI, d.v.**

Këshillë juridike: Kundër këtij aktvendimi transmetuesi ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimi të aktvendimit.